



SLUŽBENE NOVINE TUZLANSKOG KANTONA

GODINA 9 • TUZLA, PETAK, 25. OKTOBAR/LISTOPAD 2002. GODINE • IZDANJE NA BOSANSKOM I HRVATSKOM JEZIKU • BROJ 14

218

Na osnovu člana 24. stav 1. tačka a), a u vezi sa članom 84. Ustava Tuzlanskog kantona ("Službene novine Tuzlansko-podrinjskog kantona", br. 7/97 i 3/99 i "Službene novine Tuzlanskog kantona", br. 13/99 i 10/00) i člana 110. Poslovnika Skupštine Tuzlanskog kantona ("Službene novine Tuzlanskog kantona", br. 16/00 i 13/01), Skupština Tuzlanskog kantona, na sjednici od 11. 9. 2002. godine, donosi

ODLUKU

O PROGLAŠENJU AMANDMANA OD XIII - XLI NA USTAV TUZLANSKOG KANTONA

I

Proglašavaju se Amandmani od XIII-XLI na Ustav Tuzlanskog kantona koje je Skupština Tuzlanskog kantona usvojila na sjednici održanoj 11. 9. 2002. godine.

II

Amandmani od XIII-XLI na Ustav Tuzlanskog kantona čine sastavni dio Ustava Tuzlanskog kantona i stupaju na snagu u ponoć 11. 9. 2002. godine.

III

Ova odluka bit će objavljena u "Službenim novinama Tuzlanskog kantona".

Bosna i Hercegovina
Federacija Bosne i Hercegovine

Skupština
Broj: 01-01-465-15/02
Tuzla, 11. 9. 2002. godine

Predsjednik

Skupštine Tuzlanskog kantona,

Dr. Izet Žigić, v.r.

218

Na temelju članka 24. stavak 1. točka a), a u svezi sa člankom 84. Ustava Tuzlanskog kantona ("Službene novine Tuzlansko-podrinjskog kantona", br. 7/97 i 3/99 i "Službene novine Tuzlanskog kantona", br. 13/99 i 10/00) i članka 110. Poslovnika Sabora Tuzlanskog kantona ("Službene novine Tuzlanskog kantona", br. 16/00 i 13/01), Sabor Tuzlanskog kantona, na sjednici od 11. 9. 2002. godine, donosi

ODLUKU

O PROGLAŠENJU AMANDMANA OD XIII - XLI NA USTAV TUZLANSKOG KANTONA

I

Proglašavaju se Amandmani od XIII-XLI na Ustav Tuzlanskog kantona koje je Sabor Tuzlanskog kantona usvojio na sjednici održanoj 11. 9. 2002. godine.

II

Amandmani od XIII-XLI na Ustav Tuzlanskog kantona čine sastavni dio Ustava Tuzlanskog kantona i stupaju na snagu u ponoć 11. 9. 2002. godine.

III

Ova odluka bit će objavljena u "Službenim novinama Tuzlanskog kantona".

Bosna i Hercegovina
Federacija Bosne i Hercegovine
TUZLANSKI KANTON
Sabor

Broj: 01-01-465-15/02
Tuzla, 11. 9. 2002. godine

Predsjednik

Sabora Tuzlanskog kantona,

Dr. Izet Žigić, v.r.

219

Na osnovu člana 24. stav 1. tačka a) Ustava Tuzlanskog kantona ("Službene novine Tuzlansko-podrinjskog kantona" br. 7/97 i 3/99 i "Službene novine Tuzlanskog kantona" br. 13/99 i 10/00) Skupština Tuzlanskog kantona je, na sjednici od 11. 9. 2002. godine, usvojila

AMANDMANE

NA USTAV TUZLANSKOG KANTONA

AMANDMAN XIII

Član 1. Ustava Tuzlanskog kantona mijenja se i glasi:

"Bošnjaci, Hrvati i Srbi, kao konstitutivni narodi zajedno sa Ostalima i građani Kantona, ostvaruju svoja suverena prava u državi Bosni i Hercegovini, Federaciji Bosne i Hercegovine (u daljem tekstu: Federacija) i Tuzlanskom kantonu (u daljem tekstu: Kanton), u skladu sa Ustavom BiH i njegovim aneksima, Ustavom FBiH i njegovim Aneksom i ovim Ustavom."

AMANDMAN XIV

Član 6. mijenja se i glasi:
"Službeni jezici Kantona su bosanski jezik, hrvatski jezik i srpski jezik.
Službena pisma su latinica i cirilica.
Ostali jezici mogu se koristiti kao sredstva komunikacije i nastave."

AMANDMAN XV

U članu 17. stav 1. mijenja se i glasi:
"Poslasticima Skupštine Kantona mandat traje četiri godine."

AMANDMAN XVI

U članu 19. stav 2. mijenja se i glasi:
"Mandat predsjednika i zamjenika predsjednika traje četiri godine."

AMANDMAN XVII

U članu 20. stav 1. mijenja se i glasi:
"Skupština Kantona ima sekretara, kojeg imenuje na period od četiri godine."

AMANDMAN XVIII

U članu 24. stav 1. tačke m) i n) brišu se.

AMANDMAN XIX

Član 30. mijenja se i glasi:
"Mandat predsjednika Kantona traje četiri godine i ne može biti biran više od dva puta uzastopno."

AMANDMAN XX

U članu 33. stav 1. tačke c) i d) brišu se.

AMANDMAN XXI

U članu 34. stav 2. mijenja se i glasi:
"Mandat Vlade Kantona traje četiri godine."

AMANDMAN XXII

U članu 40. u stavu 2. riječi "oba konstitutivna naroda" zamjenjuju se riječima "konstitutivnih naroda i grupe Ostalih."

AMANDMAN XXIII

Član 48. mijenja se i glasi:
"Sudska vlast u Kantonu je samostalna i nezavisna od izvršne i zakonodavne vlasti Kantona."

AMANDMAN XXIV

Član 51. mijenja se i glasi:
"Kantonalni sud ima žalbenu nadležnost u odnosu na općinske sudove u Kantonu i prvostepenu nadležnost u stvarima koje ne spadaju u nadležnost tih sudova, te druge nadležnosti utvrđene zakonom."

AMANDMAN XXV

Član 52. briše se.

AMANDMAN XXVI

Član 53. briše se.

AMANDMAN XXVII

Član 54. briše se.

AMANDMAN XXVIII

Član 55. mijenja se i glasi:
"Sudije Kantonalnog i općinskih sudova, uključujući i predsjednike sudova, odabira, imenuje, provodi disciplinski postupak protiv i smjenjuje Visoko sudsko i tužilačko vijeće Federacije u skladu sa zakonom.

U Kantonalnom i općinskim sudovima konstitutivni narodi i grupa Ostalih bit će proporcionalno zastupljeni strukturi stanovništva Kantona, odnosno općine."

AMANDMAN XXIX

Član 56. mijenja se i glasi:
"Sudije Kantonalnog i općinskih sudova osim rezervnih sudija, imenuju se doživotno, osim ako ne podnesu ostavku, ako se ne penzionišu ili ne budu s razlogom smijenjeni od strane Visokog sudskog i tužilačkog vijeća u skladu sa zakonom Federacije.
Navršenje starosne dobi propisane za obavezan odlazak u penziju za sudije Kantonalnog i općinskih sudova, utvrđuje se zakonom Federacije.

Uslovi obavljanja funkcije, uključujući i imunitet za sudije Kantonalnog i općinskih sudova, utvrđuju se zakonom Federacije.

Plaća i druge naknade sudiji ne mogu biti umanjene za vrijeme vršenja sudijske funkcije, osim kao posljedica disciplinskog postupka u skladu sa zakonom."

AMANDMAN XXX

Član 57. briše se.

AMANDMAN XXXI

Član 58. mijenja se i glasi:
"Općinski sudovi osnivaju se zakonom Kantona i finansira ih Kanton.
Općinski sudovi mogu se osnovati za područje jedne ili više općina."

AMANDMAN XXXII

Član 59. mijenja se i glasi:
"Općinski sudovi imaju nadležnost u svim građanskim i krivičnim stvarima, osim ako Ustavom Federacije, ovim Ustavom ili zakonom Federacije ili zakonom Kantona izvorna nadležnost nije dodijeljena nekom drugom sudu."

AMANDMAN XXXIII

Član 60. briše se.

AMANDMAN XXXIV

Član 61. briše se.

AMANDMAN XXXV

U članu 63. stav 3. mijenja se i glasi:
"Prilikom stupanja na dužnost Kantonalni pravobranilac i zamjenici Kantonalnog pravobranioca daju svečanu izjavu."

AMANDMAN XXXVI

U članu 75. u stavu 1. riječi: “dvije godine” zamjenjuju se riječima: “četiri godine.”

AMANDMAN XXXVII

U članu 80. stav 4. riječi: “dvije godine” zamjenjuju se riječima: “četiri godine.”

AMANDMAN XXXVIII

U članu 82. stav 1. tačka g) briše se.

AMANDMAN XXXIX

Član 84. mijenja se i glasi:

“Amandmane na Ustav Kantona može predlagati predsjednik Kantona, Vlada Kantona i većina poslanika u Skupštini Kantona.

Ukoliko Skupština Kantona odbije predloženi amandman, novi amandman o istom pitanju ne može se predložiti prije isteka šest mjeseci od dana kada je amandman odbijen.”

AMANDMAN XL

Član 85. stav 1. briše se.

AMANDMAN XLI

Član 92. mijenja se i glasi:

“Objavljeni rezultati popisa stanovništva iz 1991. godine na odgovarajući način će se koristiti za sva izračunavanja koja zahtijevaju demografske podatke, dok se Aneks 7. u potpunosti ne provede.”

219

Na temelju članka 24. stavak 1. tačka a) Ustava Tuzlanskog kantona (“Službene novine Tuzlansko-podrinjskog kantona” br. 7/97 i 3/99 i “Službene novine Tuzlanskog kantona” br. 13/99 i 10/00) Sabor Tuzlanskog kantona je, na sjednici od 11. 9. 2002. godine, usvojio

AMANDMANE**NA USTAV TUZLANSKOG KANTONA****AMANDMAN XIII**

Članak 1. Ustava Tuzlanskog kantona mijenja se i glasi:

“Bošnjaci, Hrvati i Srbi, kao konstitutivni narodi zajedno sa Ostalima i građani Kantona, ostvaruju svoja suverena prava u državi Bosni i Hercegovini, Federaciji Bosne i Hercegovine (u daljem tekstu: Federacija) i Tuzlanskom kantonu (u daljem tekstu: Kanton), sukladno Ustavu BiH i njegovim aneksima, Ustavu FBiH i njegovom Aneksu i ovom Ustavu.”

AMANDMAN XIV

Članak 6. mijenja se i glasi:

“Službeni jezici Kantona su bosanski jezik, hrvatski jezik i srpski jezik.

Službena pisma su latinica i ćirilica.

Ostali jezici mogu se koristiti kao sredstva komunikacije i nastave.”

AMANDMAN XV

U članku 17. stavak 1. mijenja se i glasi:
“Poslanicama Sabora Kantona mandat traje četiri godine.”

AMANDMAN XVI

U članku 19. stavak 2. mijenja se i glasi:
“Mandat predsjednika i zamjenika predsjednika traje četiri godine.”

AMANDMAN XVII

U članku 20. stavak 1. mijenja se i glasi:
“Sabor Kantona ima tajnika, kojeg imenuje na period od četiri godine.”

AMANDMAN XVIII

U članku 24. stavak 1. točke m) i n) brišu se.

AMANDMAN XIX

Članak 30. mijenja se i glasi:

“Mandat predsjednika Kantona traje četiri godine i ne može biti biran više od dva puta uzastopno.”

AMANDMAN XX

U članku 33. stavak 1. točke c) i d) brišu se.

AMANDMAN XXI

U članku 34. stavak 2. mijenja se i glasi:
“Mandat Vlade Kantona traje četiri godine.”

AMANDMAN XXII

U članku 40. u stavku 2. riječi “oba konstitutivna naroda” zamjenjuju se riječima “konstitutivnih naroda i grupe Ostalih.”

AMANDMAN XXIII

Članak 48. mijenja se i glasi:

“Sudbena vlast u Kantonu je samostalna i neovisna od izvršne i zakonodavne vlasti Kantona.”

AMANDMAN XXIV

Članak 51. mijenja se i glasi:

“Kantonalni sud ima prizivnu nadležnost u odnosu na općinske sudove u Kantonu i prvostupanjsku nadležnost u stvarima koje ne spadaju u nadležnost tih sudova, te druge nadležnosti utvrđene zakonom.”

AMANDMAN XXV

Članak 52. briše se.

AMANDMAN XXVI

Članak 53. briše se.

AMANDMAN XXVII

Članak 54. briše se.

AMANDMAN XXVIII

Članak 55. mijenja se i glasi:

“Suce Kantonalnog i općinskih sudova, uključujući i predsjednike sudova, odabira, imenuje, provodi stegovni postupak